

¡BOMBA!

Dice un diputado manso:
todo avance son mejoras;
vamos por 40 horas,
pero no por más descanso



K'untzil

Edición de fin de semana, del viernes 13 al domingo 15 de febrero de 2026

CAMPECHE · YUCATÁN · QUINTANA ROO · AÑO 11 · NÚMERO 2663 · www.lajornadamaya.mx

U BABIL UJ,

chan ba'alche' ku máan lu'um ba'ale' ti'al u ya'abtale' ku suut ich ja'

U boonile samal chak wa chak k'aank'an, ts'o'oke' tu chúumuke' yaan u booxil. Suuka'an u péek de áak'ab yéetel u jaantik xiiwo'ob, beyxan ti'al u yantal u mejenile', k'a'abéet oka'an ich ja'. U k'aaba' ich káastelane' cangrejito rojo wa de luna.

U sientiifoil k'aaba'e' Hartnollitus lateralis, ts'o'oke' yaan ku yila'al tu jáal ja'ilo'ob Texas, Estados Unidos, tak Venezuela.

"U sóol u paache' táats' yéetel wóolis, ts'o'oke' chak wa chak k'aank'an u boonil, yéetel chúumuk ti'e' yaan u booxil. U yooke' chowaktak yéetel u xnat'ulo'obe' óol maas chan kreema u

boonil", tu tsolaj Jacqueline May Díaz, máax beetik u k'a'aytajilo'ob u múuch'kabil Desarrollo y Medio Ambiente, A.C.

Tu tsikbaltaje', le maas chan úuchbentak'o'obe' de chachak u boonil wa chak k'aank'an, ka'alikil le maas chan táankelemo'obe' óol maas samal booxo'ob.

U sóol u paache' je'el u k'uchul u p'is tak 11 cms u kóochil, ba'ale' wa ku p'i'isil tak yéetel u yooko'obe' je'el u k'uchul tak 15 cms.

Suuka'an u kuxtal de áak'ab, yéetel juntúul ba'alche' sublak. De k'i'ine', ku ta'akikubáaj ti' joolo'ob. U jela'anil yéetel uláak' babo'obe' leti'

u boonil yéetel tumen ku péek xan ti' lu'um, kex tumen ti'al ka yanak u mejenile', k'a'abéet u ka' bin ich ja'.

Chak baabe' ku jaantik xiiwo'ob, u yich che'ob yéetel mateeryáa orgaanikáa, tu ya'alaj jbiólogo Fermín Chaidez Ochoa. Ba'ale' tu ya'alaj xane', wa tumen ku k'a'alalo'ob ti'al u tséenta'alo'obe', unaj u ts'a'abal ti'ob ba'alo'ob je'el bix maangóo, puut yéetel ja'as.

Xbioologa Estela Díaz Montes de Oca tu ya'alaje' ja'ab man ja'ab u yantal u mejenil. Ku bino'ob ich ja', tu'ux piim yanik manglares, tumen ich k'áak'náab ku cha'ak u mejenil.

ESPECIAL: FAUNA NUESTRA | P. 42 YÉETEL 43
OOCHEL LEONCIO LOPEZ

